

Ilulissat ulloq 12. august 2015.

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara.

(inatsisartunut ilaasorta, Anthon Frederiksen, Partii Naleraq)

Naalackersuisunut apeqquut:

1. Nukissiorfinni olie-mik atuiffiunerusuni kiaap sipporuttup atorpeqanngitsoortarnera ataatsimut katillugit ukiumut agguaqatigiisitsinikkut qanoq aningaasanik amerlatigisunik atuiffiusarpa/ annaasaqaataasarpa ?
2. Kiaap atorpeqanngitsoortarput atorluarneqarnerunissaa anguniarlugu naalackersuisut qanoq pilersaaruteqarpat ?
3. Qaanaami nukissiorfimmi kiaap maangaannartinneqartussaangaluartup atorluarneqalersimanera aningaasanngorlugu ukiumut agguaqatigiisitsinikkut qanoq naleqarpa ?

Tungavilersuut:

Naluneqanngilaq innaallagissiornermi olie atorlugu nukimmik pilersitsiviusuni amerlanerpaani kiammik pilersitsinermi kiak annertooujussuaq atorpeqanngitsoorluni, illua-tungaaticullu aamma taassuma kiaap nillusarneranut nukipparujussuit aningaasarpasuillu atorlugit kallerup inneranik pilersitsisoqartartoq.

Kiap atorpeqanngitsoortartoq qulaani eqqartorneqartoq amerlanertigut annerusumik iluaqutigineqarani, allaallumi immikkut qaavatigut aningaasartuuteqarfigineqarluni silaannarmut “eqqarneqarpoq”.

Pissutsit taamaannerat naammaginangilaq iluarsivigineqartariaqarlunilu. Qujanartumik illoqarfiit olie atorlugu innaallagissiorfillit tamarmik taamaangillat, tassa Qaanaami innaallagissiorfik, qularnanngitsumik kisiartaalluni kiammik taamaattumik atorluaasutuaavoq, tassa kiap pineqartup – atunngitsuinnangassaangaluartup, taavani pisortaasimasup imaluunniit pisortaasup suliniarluarneratigut, kiak pineqartoq aqqusersuinikkut inissianut assigisaannullu siammerterlugu atorlualersimammassuk, taamaaliornikkut qularnanngitsumik olie-mik atugassaraluamik sipaaruteqarnermik kinguneqartumik.

Partii Naleqqamiit isumaqarpugut suliniutit taamaattut nersualarlugillu tapersersortariaqarivut.

Aamma isumaqarpugut sinerissap sinnerani olie-mik atuiffiusuni nukissiuuteqarfinni Qaanaamituut atorluarneq anguniarlugu iliuuseqartariaqartugut.

Apeqqutip ullut suliffiit qulit qaangiutinnginnerini akissuteqarfigineqarnissaa Partii Naleqqamiit piumasaraarput.